

## Sababoota fi Furmaata waliin oduu warra Foyya'insa booda duubatti deebi'anii-Kutaa 5.2

### Description

Kutaa darbe keessatti shahwaa (fedhii lubbuu) hordofuun sababoota erga fooyya'anii booda duubatti akka deebi'an nama taasisan keessaa tokko ta'u ilaalle jirra. Namni fedhii lubbuu keessumayyu fedhii saalaa yoo hordofe, fedhii isaatiif hidhamaa ta'a. Har'as itti fufuun fedhii lubbuu daangaa dabarsanii hordofuun khaatimaa (xumura) badaatti akka nama geessu seenaa waliin ni ilaalla.

Kutaa kana keessatti wanta dubbatum qabu keessaa tokko, namtichi tokko mana isaa cinaa dhaabbachaa ture. Ergasii dubartiin bareeddun takka isa biraan dabarte. Akkana isaan jette: karaan gara Hammaama Munjaab nama geessu kamii?• Innis gara balbala mana isaatti akeekuun, •Kuni hammaama Munjaabi• jedhe. Balballi manaa isa kuni balbala hammaama fakkaata ture. Dubarri tunis mana isaa kana ni seente. Innis ishii duuban itti seene. Mana isaatti yommuu of argituu fi akka ishii gowwoomse yommuu beektu, isa waliin wal qunnamu ishiitiif akka gammaddetti fakkeessite. Akkana isaan jette: wanti jirenyi teenya ittiin toltaa fi ijji teenya itti gammaddu nu waliin jiraachu wayya.

Innis ni jedhe: Saâ€™aati takkaaf turi. Wanta feetuu fi hawwitu hunda siif fida.â€• Inni osoo balbala manaa ishiitti hin cufin banaa godhee bira bahe. Wanta ishiin jette fidee deebiâ€™e. Garuu ishiin baatee jalaa sokkitee.

Ergasii namtichi jaalala ishiitiin ni dhamaâ€™e, ishii yaadachuu fi faarsu ni baayâ€™isee. Karaalee keessa deemaan akkana jedha:

*Yaa Rabbi! Ishiin dadhabdee osoo jirtuu gaafa tokko ni jettee*

*Karaan Hammaama Munjaabitti nama geessu kamii?*

Guyyaa tokko osoo inni dubbii armaan olii kana jedhu intala akkana jettu dhagayee:

*Yommuu ishii argattu daddaftee*

*Mana irratti waardiyaa yookiin balbala irratti cufaa hin gootu turtee?*

Ergasii jaalalli inni ishiif qabu garmalee dabalee, isatti cime. Hanga walaloon kuni yeroo duâ€™a isaa dubbii isa dhumaa taâ€™uutti. (Walaloo kana osoo jedhu duâ€™e).

Muslima addunyaa irraa yommuu boqatu dubbiin isaa dhumaa shahaadah •Laa ilaah illallah• taâ€™uu qabu irraa akkamitti kuni malaafi? Addunyaa irraa dubbiin isaa dhumaa akkamitti tapha faaydi hin qabnee, walaloo jaalalaati fi Rabbiitti waa qindeessu (shirkii) taâ€™aa? •Ilaalchi xiyyoota sheyxaanaa irraa xiyya summefamteedha.â€• Kanaafu, ilaalchi ijaa hundee musiibaa wali galaa namootatti buâ€™aniiti.

Ibn Al-Qayyim ni jedha: ilaalchi yaada dhala, yaanni immoo fedhii dhala, ergasii fedhiin ijannoo cimaa dhalti.

*Taaten hundi jalqabni ishii ilaalcha irraayyii  
 Guddinni ibiddaa qaanje akka xiqqotti ilaallamtu irraayyii  
 Ilaalcha meeqatu qalbii abbichaa gahee  
 Akkuma xiyyi funyoo fi qaawsi jidduu gahee  
 Gabrichi ija isaa gaggaragalchuu kan itti fufuu yoo taâ€™ee  
 Ija namoota keessatti balaa irra kan dhaabbatuudhaa  
 Fedhiin lubbuu qalbii nama irratti dhiibbaa guddaa fiddi  
 Hidhamaa hawwiitii fi jaalalaan kan dararamu isa taasisti  
 Nama jaalalaan qabamee caalaa namni dararamaan hin jiruu  
 Wanta hunda caalaa fedhii miâ€™aawa taâ€™ee osoo argateeyyuu  
 Yeroo hundaa kan booyu taâ€™ee argitaa  
 Addaan bahuu sodaachuun yookiin wal qunnamtiif yaaddaâ€™un*

Kuni dhuma namootaakkanaa irraa eeggamuudha. Akkuma Sheykhul Islaam ibn Taymiyaan jedhe: â€œ **Namni Rabbün ala wanta biraa jaallate wanta kanaan azzabama (adabama).**â€•

Kutaa fedhii keessatti wanta kaafamu keessaa tokko namtichi tokko shamara kiristaanaa takka jaallate. Namni kuni Qurâ€™aana kan haffaze ture. Ergasii shamara tanaaf jedhee kiristaanaa taâ€™ee ishii fuudhee. Yeroo muraasan booda hiriyyoonni isaa duraanii isa qunnamuun akkana isaan jedhan: Yaa eebalu maal taate?â€• Innis ni jedhe: Kiristaana taâ€™e. Isaanis ni jedhan: Qurâ€™aanni ati haffazte hoo maal taâ€™ee?â€• Innis ni jedhe: Aayah takkatti malee dagadhee jira. Aayan sunis:



â€œ[Guyyaa Qiyaamaa] Warri kafaran osoo Muslimoota taâ€™anii jaallatu.â€• Suuratu Al-Hijr 15:2

Fedhii lubbuu fi hawwiif harka kennuu irraa buâ€™aa badaa kana mee ilaala. Akkamitti amanti kana irraa addaan bahuutti abbicha geessee!

Ani yommuu mata-duree kana ilaachisee dubbadhu, balaa isaa guddaa waan taâ€™eef dubbadha. Kana waliinu dargaggoonni dantaa itti kennaa hin jiran. Fedhii lubbuu guuttachuu fi ilaalcha akka salphaatti ilaalu. Tarii yeroo ammaa sababni guddaan fooyyaâ€™iinsa booda duubatti akka deebiâ€™an nama taasisu meeshaalee teknolojii fi wanta inni facaasu kan namoonni ittiin qoramaniidha. Amma meeshaalee teknolojii sanniin keessaa meeshaa tokko irraa dubbadha. Innis: Diishii (In sha Allah Kutaa itti aanu keessatti ni ilaalla).

[Min Akhbaaril Muntakisiina maâ€™al asbaabi wal ilaaji fuula 29-....](#)

#### Date Created

December 17, 2020

#### Author

admin